

北洋官報

目錄

宮門抄 交旨

奏議○度支部奏前年穀數摺△順天府奏請獎叙同知

等片△浙撫增奏查明浙西匪盜情形摺

摺片八則

奏摺○學台咨一件△蕪州稟一件△軍事會移一件

文告三則△裁輔四則△各省五則△各國八則

彙編○河南諮議局議決案

已酉官報目錄

圖畫○日本東京不忍池之圖

本報今日加印照片一頁

本局第一百二十八七期法政學報已出

宮門抄

正月二十五日 陸軍部 變輿衛 廂白旗值日 河南提學使孔祥霖到京請 安 葛寶華 馮國璋

各續假十日 陸軍部奏派查齋大臣 派出鳳山 秦綬章 兜欽 慶綿 祥普 常英 善豫 瑞

啟 又奏派查齋大臣 派出德麟 成章 成安 敬昌 瑞啟 全福 英信 景麟 召見軍機

孔祥霖 軍諮處遞封奏二件 濤貝勒遞封奏一件

交旨

正月二十五日 軍機大臣欽奉

諭旨陸軍部奏議覆趙爾巽等奏甯遠淺山吏務肅清請獎一摺建昌鎮總兵田振邦著賞給提督銜餘依議欽此

奏議錄要

度支部奏核各省光緒三十四年穀數并請
奏爲彙核各省光緒三十四年分穀數並擬請

飭遵清理財政章程趕造表冊摺
旨飭令遵照清理財政章程趕緊編造確數表冊以昭核實恭

摺仰祈 聖鑒事竊查乾隆五年欽奉

諭旨每歲仲冬令各該督撫將各州縣戶口增減倉穀存用一一

註明詳細具奏並造冊隨案咨部歷經臣部於次年年底彙總奏明辦理光緒三十三年三月間臣部於釐定職掌事宜摺內奏明將民數一案劃歸民政部辦理其穀數仍歸臣部核辦迭經申明例章行令各該督撫等飭屬切實清釐依限造報並於彙核上屆穀數案內聲明請將各省光緒三十年以前穀數免其補造以清積牘仍令將近三年穀數隨同光緒三十四年分穀數併案造送到部等因奏准咨行在案茲屆彙辦光緒三十四年穀數之期臣部復於本年十一月間專案通行咨催疊據奉天吉林山西河南陝西浙江江西湖南湖北四川新疆等省將應造清冊先後咨送到部其餘各省除黑龍江穀數據該督撫咨稱該省倉廩焚燬未能修復現無倉穀存儲應令設法籌辦外其直隸江蘇安徽山東甘肅福建廣東廣西雲南貴州等省及熱河承德府屬穀數均未據依限造報亦未將因何遲延之處聲覆報部應請 飭下吏部將未經造報穀數之各該督撫等查取職名照奏報逾限例議處所

有各省迭報本屆穀數暨補造各年穀數謹分晰繕具清單恭呈

御覽至河南陝西江西浙江湖北等省所報

穀數核與該省奏銷盤查各原案數目互有參差謹於清單內分別註明應令各該省趕速查明報部核辦再查各省穀數其延不造報屢催罔應者無論已卽已經造報各省或據多年塵牘逐歲照鈔或憑一紙空文隨意填報雖疊經臣部循案彙奏並由吏部照例查叅無如積習相沿有司既奉行故事長吏亦視同具文自非澈底清查從新整理終無從得其確數方今 朝廷籌備憲政百度維新際屆明年試辦豫算之期各省穀數民食攸關豈容長

此延玩伏查臣部奏定清理財政章程第四章第八條各省應將光緒三十四年分各項收支存儲銀糧確數按款

調查編造詳細報告冊並盈虧比較表限至宣統元年年底陸續咨送到部等因誠以庫款倉儲均關重要所有各項倉穀一切本色糧石亟應確切調查依限報告業經臣部於本年七月欽遵 諭旨飭查倉穀案内行令各省趕緊造報在案乃查此項倉糧表冊除川省外現均未據造送到部相應請 旨飭下各該督撫等遵照奏定清理財政章程嚴飭所屬迅將光緒三十四年分各項倉穀管收除在確數逐一實行調查編造詳細表冊送部查核並令嗣後按年將倉穀表冊提前造報查照例限於每年十月內咨送到部仍飭臣部派出監理各員隨時稽察以昭核實而杜稽延其近三年未報穀數應令按照臣部奏准截清舊案期限併案造送以憑核結倘再任意遲逾或查報不實臣部惟有據實糾叅以爲玩視部章者戒所有臣部彙核光緒三十四年穀數並催令遵章編造表冊緣由理合恭摺具陳伏乞

皇上聖鑒謹 奏宣統元年十二月二十五日奉 旨依議欽此

順天府奏請將試用同知惠年等獎叙片

再直隸試用同知惠年經前尹臣孫寶琦咨調來順委署南路同知興學緝匪極爲認真旋調署西路同知該處係西南諸行省縮穀通衢又爲京漢鐵路咽喉良莠雜居最難緝該員才長心細幹練有爲用能措置裕如地方靜謐臣到任後因海甸西山一帶密邇 園庭尤須加意治安復派該同知督率馬步巡警分隊巡防破獲巨案數起故上年自春徂冬附近京西尙稱安靜此皆該員勞瘁不辭之明效求諸丞倅中不可多得又直隸試用知縣張夢筆聽斷勤能樸實果敢自經奏設督捕局後即咨調該員來順委充發審承鞠匪盜各案虛衷研究毫無枉縱現署密雲縣知縣大小之獄必察時復巡行鄉曲慰問疾苦興利除弊旗民交悅洵屬良吏之選惟該員等均係試用人員格於例章永無補缺之期合無仰懇 天恩准將試用同知惠年試用知縣張夢筆二員各以原班不論繁簡補用藉昭激勸之處出自 鴻慈逾格是否有當理合附片具陳伏乞 聖鑒謹 奏宣統元年十二月二十四日奉 硃批著照所請該部知道欽此

浙江巡撫增韞奏查明浙西匪盜情形妥籌緝捕辦法摺

奏爲遵 旨查明浙西匪盜情形妥籌緝捕辦法恭摺仰祈 聖鑒事宣統元年八月二十七日承准軍機大

臣字寄宣統元年八月十三日奉 上諭有人奏浙西匪盜甚熾請飭令地方官認真緝治一摺著增韞按照所指各節確切查明督飭各屬認真緝捕毋任蔓延滋擾地方原摺著鈔給閱看欽此 旨寄信前來等因承准此當經札委候補知府吳世欽馳往確查茲據查明稟覆奴才檢同卷宗覆加查核如原奏嘉興府屬桐鄉縣一帶匪類縱橫搶劫之案層見疊出如濮院鎮白晝連劫十三家爐鎮連劫五家長思塘白晝搶劫商船槍斃耘田鄉民杜家兜殺死事主顧姓日暈橋連劫五家失賊巨萬其離城數里之內若茅蓬頭萬蘭橋杏壇頭各地方均遭搶掠尤爲肆無忌憚至於航路經行之船亦時時被其劫奪一節查桐鄉縣屬濮院鎮義和隆土行等十三家於光緒三十二年八月二十二日被劫經該前縣徐士鑿會營勸報拿獲正盜徐恁之楊星沅張桂山劉佬五劉佬六陳佬九六名訊認持槍行劫得贓不諱稟經前署撫臣信勤批飭就地正法尙有蕭佬三一名僅認在途看船事後分贓並飭照例擬辦在案爐鎮事主鄭琢章梅洪齡郁懋庭三家於光緒三十四年五月三十日夜被劫經該前縣沈惟賢詣勸明確係屬和合店面一門出入並無連劫五家之多又查長思塘卽長水塘係海鹽桐鄉兩縣交界處所光緒三十四年八月二十七日該前縣高嘉仁任內有職員何養田遣夥朱欽安往嘉興收賬坐船回歸行至長水塘地方被匪搶去洋銀等件並槍斃鄉民許儔儔一名當由營縣拿獲正盜柴阿效萬有馨柴阿三孫阿球姚阿四五名柴阿效訊係槍斃鄉民之犯稟經奴才批飭就地正法萬有馨業已在監病故柴阿三等三名已飭照例擬解又查桐鄉縣屬並無杜家兜卽名惟光緒三十四年十一月初十日夜社家兜事主沈以標家被竊拒傷鄰右顏時榮報經高嘉仁勸諭飭緝有案當時顏時榮並未因傷斃命原奏所指杜家兜殺死事主顏姓似係此案之誤又查日暈橋事主陳廷鏘等五家於宣統元年二月初四日夜被劫報經高嘉仁會營勸明係合宅居住一門出入獲犯曹葆糖范黃山等訊供游移已批飭覆訊擬辦又查茅蓬頭距桐鄉縣城里許宣統元年五月二十二日夜事主吳福祥家被竊先經奴才訪聞飭查旋據該前縣朱邦傑查明詳覆實係竊案並非強劫又萬譚橋事主濮沈氏杏南頭事主王福昌家於五月初三七月初七等日先後被竊失賊均屬無多原奏謂茅蓬頭萬蘭橋杏壇頭等處均遭劫掠迨卽指此而言查縣屬並無萬蘭橋杏壇頭卽名似係萬譚橋杏南頭之誤此外航路行船查無報搶案據此查明嘉興府屬桐鄉縣一帶先後被盜劫竊各案之情形也又原奏該邑盜案從前皆自外來近則本縣之人漸次裹脅

入匪客匪遂倚爲窟穴縣之東北各鄉凡出一巨案之前必有湖州府屬之泗安埭頭竊匪陸續前來散居民間迨乘隙搶劫後分贓散去土著之盜蟄伏四鄉若欲行劫則先擄掠船隻由匪首墊錢夥食假賭博之名往來各鎮及人已招齊卽率大幫出劫其人以北鄉之白馬塘大王廟及南鄉之吳奇墳橋七家廟烏塘里六角亭爲多最著匪首曰張金斗黨羽甚衆一節查白馬塘等處界連蘇湖港汊叢雜客民寄居其間墾種田地良莠本屬不齊由賭博流爲賊盜誠所難免自辦理清鄉以後所有寄居客民均經挨戶編查造冊責成客董客保認真約束並將賭博嚴行禁絕近來地方尙屬安靖至盜匪姓名往往隨時更易究張金斗有無其人抑或另有名號委員周諮博訪僉稱未悉其詳此查明白馬塘等處居民尙無裹脅入匪之情形也以上劫竊各案雖據該前縣徐士鋆等獲盜多名從嚴懲辦而逸盜餘賊尙多未獲徐士鋆已於另案叅革沈惟賢高嘉仁亦已先後卸事自應責成現署縣余文鏡認真緝拿務獲究辦此外航路行船查無報搶案據應無庸議奴才身膺疆寄緝暴安良責無旁貸值此水旱偏災人心浮動之際自應督飭各屬認真緝捕以期匪戢民安惟是浙西嘉湖一帶昆連江蘇幫匪私梟以兩省交界之地特爲淵藪兵差越境追捕勢多隔閡現擬咨會江蘇撫臣分飭各屬凡遇連界州縣出有搶劫重案一經關會彼此無分畛域協力兜拿並准差捕人等不拘疆界隨時緝捕庶免此拿彼竄之虞至水陸防軍奴才疊經切實整頓輪流巡緝按期會哨水路巡警亦已次第舉辦惟經費浩大尙須設法妥籌曾於九月間將辦理情形恭摺奏報在案倘該管文武緝捕不力卽行據實糾叅俾知儆戒似此水陸並籌庶匪徒無從託跡閭閻可臻安謐以副朝廷綏靖地方之至意所有查明浙西匪盜情形並妥籌緝捕辦法理合恭摺具陳伏乞皇上聖鑒謹奏宣統二年正月十九日奉 硃批卽著認真整頓毋託空言期收實效欽此

摺片摘要

度支部奏議覆撫奏江省出口米穀仍請准照前奏加抽出口稅事正月二十三日奉

又奏陸軍各學堂經費請飭陸軍部仍就前款撥節應用事同日奉

又奏查明侍讀學士延昌奏大清銀行情形鈔錄原呈呈覽事同日奉

又奏覈覆近畿陸軍各鎮三十三年分第一案收支各款事同日奉

旨依議

旨依議

旨知道了

旨知道了

直督陳奏請以段雲錦等試署行唐令等缺摺同日奉

又奏本年分永定南北運三河歲修估需銀數摺同日奉

又奏大宛兩縣承辦達賴喇嘛車價等銀報銷片同日奉

又奏請以陳光遠充步隊第七協統領等片同日奉

公牘錄要

學台傳咨覆永定河道改設客籍兩等小學准予立案並委教員前往文

為咨覆事案准貴道咨稱據南岸同知等稟稱(已見本月十三日永定河道詳文內)等因並清摺一扣到司准此查該南岸同知等以從前附設固安縣高等小學定額僅止二十人於河員子弟未能多數就學甚屬向隅現擬改設永定河兩等客籍小學堂寬設學額以廣造就自應准予立案至摺開簡章第五條設管理員四人似應改為經理以符名實或推一人為堂長或即以正教員兼充堂長均無不可第六條學額高等科設額似不必以二十人為限蓋即設一班亦可容四五十人今但以就學人數講堂大小定收容學生之多寡以後逐漸推廣可也第八條課程初等科可遵 學部新頒變通章程減併科目以免繁重難行第九條畢業初等小學五年係就第一年入學而言今該堂未開蒙者不收是否從第二學年起如何編制應將高等初等學年學級預為釐定始免混淆至第五條職任內開教員二員稟道咨請委派等語本司應先擇派一人查有省師範畢業生定州王鴻聲堪以委派業經札飭前往此外一員如係初小教員應由該經理各員自行延訂毋庸本司委派相應備文移請貴道查照轉飭遵行可也章程一本移請轉發望切施行須至移者

霸州劉牧傳祁稟晉省官礦過境應否扣留充公押係押令出境請示文並批

敬稟者案准辦理宣懷兩縣礦礦總局移稱據王家口分局坐辦傅金聲稟於本月初間派勇運礦至州屬于家莊地方設立分局售給郝家埠花砲作各戶使用不料該村匪徒苗文質趙希廷李連枝膽敢大宗運售私礦竟執晉省買礦之三連單為護符不知彼乃在晉買礦之據非可為直售礦之據請即查照務將該匪等提案嚴行究辦私礦派役運赴王家口分局以七分充公三分充賞等因准此查此案於本月初三日據該局巡查劉文勳來州以查

硃批吏部議奏

硃批該部知道

硃批該部知道

硃批陸軍部知道

獲趙溪亭等販賣私礦等情片請訊究前來當經傳案訊據趙溪亭即趙溪廷供稱伊係案下毫家務人有獲鹿縣張永福在山西省農工商局買運官礦做花砲使用屬實有執照可憑據李連芝即李連枝供稱伊係新城縣人伊在山西省農工商局買運官礦賣給苗文治礦塊屬實有執可憑質之苗文治即文質亦供稱價買官礦不諱隨分別取具切實妥保以憑查案核辦正在具稟間茲准前因卑職覆查趙溪亭等買運官礦領有晉省農工商局執照已據呈驗在案且單內註明運赴順天府所屬銷售似不得謂之私礦第遍查案卷並未接到該局詳細章程亦未曾出示曉諭卑州毫家務村花砲作不少銷場頗旺從前隨便買礦已成習慣亦從未有人查禁愚民無知尙非有心犯法惟既經該局移會自應妥籌辦法未便稍涉輕率查光緒三十三年十二月間曾奉 前憲台楊通飭內開如有私礦過境即行分別扣留或押令出境等語今此案查獲外省之礦究竟應否照該局所請即予扣留充公抑或押令出境之處卑職未敢擅專理合稟請 大帥查核俯賜迅速批示祇遵實爲公便再該局坐辦傳金聲現又查獲晉省官礦正在傳訊合併聲明專肅祇請 勛安伏乞 垂鑒

督憲陳 批據稟已悉候飭礦政調查局酌核具覆飭遵繳

天津縣董事會移覆天津縣裁賣廟地追價充公一案仍照原議辦理文

爲移覆事宜統元年十二月十四日接准縣台移開以准議事會移稱敝會辦理冷玉起裁賣三元菴廟地追價充公一案辦法不合移請稽查令即查照文內事理移覆過縣以憑轉覆等因准此查此案前准議事會來文內稱原辦不合請重爲辦理各情業經敝會說明完案理由照章移請議事會再議在案茲准前因謹爲縣台縷晰陳之查議事會稟定清釐廟宇廟產辦法其在清釐範圍者分別已佔未佔未嘗言及已賣自敝會實行清釐凡原購廟產各戶苟其契地相符即不能不認作民產查冷玉起價買呂珍祥三元菴廟地在道光二十年歷時已久故前次奉議事會函有久作民產無從再令納租之語如謂遠年出賣廟地仍應清釐納租則關係民間產業問題必經稟覆督憲批准有已經出賣廟產一律清釐納租明文董事會方敢執行又查議事會稟定條例第十八條內開凡變賣不動產者須得議員全體三分之二以上之議決等語細釋所謂不動產者指已經自治界收管之產業而言冷玉起於原買三元菴廟地外復侵佔廟地裁賣於人在清釐廟宇廟產以前是以援照議事會辦理玉皇閣廟地追

價充公辦法辦理與自治界已經收管敝會擅自變賣者迥不相同至八分七釐之地作價九百元一節係因冷玉起出賣原買廟地四畝有零賣價洋四千餘元其原估八分七釐之廟地雖已裁賣在前仍應按此次所賣之價核算故令交價九百元河東小關紳董楊見清等擬領此款撥作該處小學堂經費不明此案係追價充公辦法遂謂罰洋九百元總之此案承議事會五十二號公函交辦後敝會即將調查並冷玉起交洋情形於五十九號公函內詳細覆告並叙明祁尤二人交過銀元業經知照此銀雖經收存尚不爲結案統希卓裁等語並將畏勢不敢具名人匿名信一併送請查閱嗣接議事會七十六號公函內開來函所擬辦法均屬妥善僉以既承議事會函稱辦法妥善必已經議員議決遂即照前擬辦法完案原辦如有不合亦應屬前議會議員之過失敝會係遵議事會七十六號公函辦理並非不待核議而即自行完案也再畏勢不敢具名人函係由郵局寄到匿名本應無效惟以所言與此案有關故將原函送交議事會查閱核議經前議事會閱過在致敝會七十六號公函以前合併陳明所有原辦冷玉起裁賣廟地追價充公一案情形相應備文移覆爲此移請縣台查照施行須至移者

文告錄要

督憲批示錄要○礦政調查局詳苗文質等所運礦斤核與原案不符應否充公請核示由 批據詳已悉查此案前於光緒三十四年八月據張運司會同該局來詳咨准覆開以晉礦均係零星運售按起咨報未免煩瑣曾將行銷直隸處所列摺並運照稅票咨送前來業經札局轉行各屬遵照是晉礦運直前已議准有案嗣於宣統元年六月據該局詳請鄰省所產之礦不准入境充銷祇准過境外運亦經咨准覆請仍照三十四年准銷之案辦理札行該局核議是不准晉礦銷直晉省並未認可尙在籌議之中自不應將晉礦遽行扣留充公或發價收買惟直隸銷路自亦應予維持上年十二月疊准 山西丁撫部院電咨均經札行該局核議此案事同一律仰即併案妥議迅速具覆以憑核咨繳○遷安縣孔令繁濬詳教育會副長司彭齡等公舉楊敬修充會長由 批如詳立案仰提學司查照飭知繳

藩台牌示○爲牌示事照得選舉 資政院納稅多額議員一案照章應以本司爲監督於二月初一日會同商務總會派出管理員在省行互選嗣因爲期過促電蒙 督憲展至三月初一日爲舉行互選之期並以天津交通

較便將投票所設於天津商務總會先後移行遵照在案茲據廣平府選舉富紳武繩緒堪以備選造具清冊申送前來查選舉事宜既已展至三月初一日爲互選之期投票所設於天津商務總會所有各屬備選人員自應一律赴津除將該紳武繩緒備文移送天津商務總會辦理外合行示諭仰該紳卽行赴津在商務總會報到聽候選舉毋違特示

保定警務第二局批示○當行定和當等稟在洞陽宮演戲一天一案 批據稟已悉該商等所請各節歷辦有案事屬可行仰卽照准屆時由本局派警前往監視此批

畿輔近事

官場紀要○二十四日 督憲接見日本駐津提督阿部貞次郎君磯部昌朔君森木二若君渡邊寬君憲兵大尉那須太三郎君繙譯辻鍾太郎君比國領事官狄西業君副領事斐德門君

警局新擬補習講堂章程○天津巡警總局通傳各局區隊內開照得招募巡警程度不齊補習講堂雖已設立而辦法未能劃一恐不足以資造就而圖進化茲將議定科目六門並教練章程十二條及講堂規則十三條粘單通傳一體照辦 計開 教練章程並講堂規則 第一條各局區添設補習教練以造就巡警進化爲宗旨

第二條補習教練所招募巡警凡巡警畢業生未習左列各條者均分班補習 第三條學科遵照部章核定分爲六門應習科目如左 一簡本白話字課 二警察學 巡警須知巡警章程摘要簡規十條警察事宜問答

三大清遠警律 四天津簡易地理 五地方自治大意 六操法步兵暫行操典 第四條學科分爲四期教授每期以三個月爲率另有功課表 第五條授業時刻每日以兩點鐘爲限另有考勤表 第六條補習巡

警凡在講堂操場均須穿制服 第七條補習教員以各局區官弁檢事兼充按第三條所定科目擔任教授每日考試一次 第八條補習巡警畢業考試由巡警總辦派員會同局區長舉行 第九條補習巡警以一年畢業考試及格者由總局發給修業證書冊報存案考不及格者歸下期補習 第十條每屆學期考後比較分數視巡警科學程度之優劣定該管長官之功過 第十一條補習巡警名籍每屆年終由各分局區冊報 第十二條星期日聖節端陽中秋均停課一日年節封印停課開印開課 附補習教練所講堂規則 一每日巡

警到所聽講一次以兩點鐘爲限 二每日派休息巡警一名帶領上班該巡長亦應在旁聽講勿許擅離 三巡長分班輪流上堂以均勞逸 四巡警偶有疾病或出差上操不能上班聽講者應由該棚巡長預爲開單呈報 五立長警花名成績表一分考驗勤惰分數記錄以備考核 六巡警功課須遵照總局擬定科目按期教授以期劃一 七上班下班均須循規蹈矩不可擅離喧嘩 八聽講須凝神注意勿許懈怠玩忽 九長警上班均著軍服務須一律整潔勿得參差 十上班不准吸煙喝茶交頭接耳等事 十一講堂房舍潔淨器具齊整不得污穢作踐 十二巡警下班時應得將所學功課時常溫習 十三補習巡警勤奮向學者記功提升懈怠者記過停升以昭勸戒

移覆調查廟田辦法○天津縣董事會移覆本縣文稱案准縣台移開蒙直隸調查局札開奉 督憲端札准 憲政編查館咨送財政民政省表式飭即按照原頒奏單表式趕速繪印移行遵辦札飭到縣查粘單內調查公有廟田若干畝令即詳查移送以憑轉詳等因准此查本邑圍牆以內各廟廟田業經收作地方公產撥充學款及自治經費共有八十八頃九十三畝三分是否仍報廟田請酌核辦理至四鄉各廟田應請縣台飭知各該村正副調查以期簡捷爲此備文移請縣台查照施行

移覆調查戶口數目○天津縣董事會移覆本縣文稱案准縣台照會內開蒙藩憲崔札開蒙 督憲端札開准民政部咨開本部具奏遵擬調查戶口章程一摺奉 旨依議欽此相應恭錄 諭旨刷印原奏暨章程表

式咨行欽遵辦理等因飭司通行各屬認真辦理札行到縣查照原奏章程第六條內載調查戶口事務歸下級地方自治董事會或鄉長辦理以總董或鄉長爲調查長董事或鄉董爲調查員等語照會到會令即查明戶數將表式移送過縣以憑轉詳等因准此查調查戶口章程第七條各地方所有巡官長警均有協助調查戶口之責當經移請南北段暨四鄉巡警各總局分傳各局區隊會同調查縣境戶數分別正戶附戶雇用書手照表填寫計正戶八萬五千一百三十四附戶七萬二千八百一十八統計十五萬七千九百五十二戶裝釘七十二册業經先後送請查收在案除調查所需經費另行開清請發外相應將辦竣情形備文移請縣台查照施行

各省近事

學務

舉辦識字學塾之通飭○浙江提學使通飭小學堂文云案查簡易識字學塾爲籌備憲政清單內本年必須創辦之件章程課本雖尙未奉部頒而此項學塾關係至重苟非圖維於先日必致踟蹰於臨時現經諮議局會議廳將各廳州縣設塾所數及提用公款等項先後規定並奉撫憲札發官報局另刊一冊公佈週知所有施行方法亟應通飭早爲籌備以免延誤除將奉發冊開議案摘錄黏抄通飭各廳州縣勸學所遵照辦理外本司並經督同學務公所議紳科長科員省視學仁錢勸學所總董開會提議以各屬官立公立私立各高等兩等小學堂均附設簡易識字課一班或兩班校具可無須另置卽就該校所有講堂教授其應酌定授課時間各就該校情形支配辦理或酌設夜課似此經費既省推廣更易爲力各學堂應卽酌量照辦合並札飭札到該學堂立卽遵照將如何附設之處預爲規畫呈報備核

財政

稟設鑄銅官爐坊○江蘇揚州府東台縣何令稟增都轉云據民人周福生稟奉每縣照章准設鑄銅官爐坊一座援照官銀爐之例詳奉各大憲批准通行各屬遵照在案茲查場城泰州均有商遵章稟請給示開張茲身籌集股本擬在何垛街市開設復太昶字號鑄銅官爐坊遵章加具戶鄰保結稟請給示開張等情到縣當以開設銅爐坊照章應取銀爐保結戶鄰甘結方准開張當飭補取銀爐保給茲據稟覆以東邑並無銀爐理合取具鄰店認保切結稟請核辦前來伏查東邑並無銀爐既據稟請自應准予開設東邑並無他設官銅爐坊除由縣給示開張並嚴禁私燬外稟報憲鑒批示立案

浙藩提前開庫○浙藩顏小夏方伯因病乞假本擬續請開缺增中丞於初四日行香之便親赴藩署力請銷假方伯始允俟初十日假滿十五日回任因此廣濟庫提前於初九日未時開庫聞各縣地丁錢漕屆期上兌者三項一錢糧捐項等款銀一萬三千四百餘兩一鹽運庫解到第二期 崇陵工程銀一萬五千兩一收入雜款洋九千九百六十餘元

路礦

鐵路總稽查兼辦營務處○皖撫朱中丞以津浦路線經過皖北地方彈壓保護均關緊要刻已札委津浦鐵路總稽查俞道錫曠兼充會辦皖北營務處皖北營隊均由該道節制俾資調遣

正太鐵路分防警護○直晉正太鐵路設有護路警察去歲冬防吃緊自應仿照京漢京奉路章添設巡防隊伍開郵傳部擬定直隸路工由正定府派隊梭巡山西路工由太原府派隊設防而以龍泉關為分防之總匯無事則各巡邊界有事則互通聲援警護周密至此宜乎行旅之稱便也

各國新聞

法議員遊歷俄京○倫敦電云法內閣各議員以及議院議員現至俄京遊歷俄國議員并官紳均赴車站歡迎奧國添設無綫電○倫敦電云奧政府現在阿德里克海(奧西南義國東)之普拉港添設無綫電報以便傳遞消息總機關設在五百啓羅邁當高之山嶺上

英議院會議關稅改良○倫敦電云英國議院會議改良關稅問題時贊成者二百四十人反對者二百八十五人國民黨與工黨因政府於改良關稅問題大不得意擬贊助政府以底於成

英勳爵維持上議院權力○倫敦電云英國魯斯伯利伯爵擬在上議院鳩合最有權力之勳爵組織一黨改良上議院辦法以便維持上議院之權力

義政府允許婦人選舉權○倫敦電云義大利議院各議員提議婦人選舉利權并訂立選舉表式呈於政府現政府已經認可

英監督上書辭席○倫敦電云蘇格蘭葛拉斯溝大學堂監督克爾森勳爵上書政府力辭總監督之席

英國海軍大臣答詞○倫敦電云英國海軍大臣馬堪納氏因前任海峽艦隊總司令官比爾福德氏詆斥英海軍政策謂頭等巡洋艦薩溫希布洛號之十二寸徑大砲均不能施放現特答覆比氏謂該艦前試驗大砲時機軸畧有損傷故未能得心應手現已修理妥協

美國添造兵艦○舊金山電云美國國會議員提議添造大戰艦兩艘各載重二萬八千噸大運艦兩艘潛水魚雷艇五艘魚雷艇三艘

往有虧折歇業而丁役猶強迫徵收稅錢前車不遠可爲殷鑒大凡一法之立必有藉於其他之種種法制相維相繫而後能行之而無弊所謂稅法改良者不當僅於稅法之一方面求之例如國法會計法制祿法委任法官制分配法何一不與稅法有密切之關係是故欲杜中飽之弊亦非徒恃稅法一端所能濟事也蓋中飽之原因有六 (甲)稅目繁多商人不能盡識 (乙)銀錢折算貼水補色 (丙)出入混於一途得因緣爲奸 (丁)薪俸微薄不能自給 (戊)司巡人格卑賤嗜利無恥 (己)收稅無專官以局卡爲調劑差委名義不正 由

甲之說則宜釐訂稅則使歸於單簡由乙之說則宜劃一國法使適用國幣由丙之說則宜改正會計使出入有度由丁之說則宜厚其廩祿使專意辦公由戊之說則宜限以資格使量而後入由己之說則宜分設稅官使責有所屬惟是六者之中其整頓權限有應歸之中央政府者有暫時可由本省通融辦理者謹條疏於左 (子)劃一幣制 (丑)設收稅專官定爲實缺 以上二條此必應歸之中央政府者也 (寅)改訂稅則重取奢侈

品及消耗品而日用常需之物則減輕之 (卯)先假定設立收稅機關(本局議員已另有提議專條)厚給薪俸 (辰)編制會計法使出入劃分有條不紊 (巳)嚴定收入吏資格必具普通理財學知識熟諳算法簿記法者方准錄用 將從前司巡丁役盡行裁革 以上四條此可由本省暫時通融辦理者也而其必要之手續莫急於先事調查凡本省出產貨物有幾種外省輸入貨物有幾類出產銷場共有幾區域須分設收稅局幾處每局須用幾人每人薪俸幾何均一一預爲籌備則每年稅項收入之大致已可瞭如指掌矣 查加稅免釐載

在中英商約彼奸商之領三聯稅單豈不以內地局卡林立阻碍流通爲藉口而我之局員又復不諳條約過於畏外一掛洋旗雖顯違定章亦不敢絲毫過問惟日事搜括肩挑販賣以飽私囊所苦者貧窮小民而富商大賈反公然取巧以爲得計稅法不平莫此爲甚即使收數暢旺亦應急圖改良況已成弩末之勢乎

一議決修濬溝渠河道以興水利案 河南地勢以農業爲最宜農業之事以水利爲尤先原案言開渠之利河道淤塞之害頗爲確鑿惟人民常情可與樂成難與圖始非提倡作興終難收效本局謹照原案所陳參以地方情形粗擬辦法有宜先事預備者有宜切實提倡者條列於左 其應先事預備者有二 (一)推廣農學宣講農報以開民智 地方興利之事起於人人自利之心必多數人民有農業改良之思想而後衆擎易舉除農學歸

另案提議外應請責成各地方宜講所注重農業水利之事毋憚再三化導俾興起一班人民改良農業之思想庶可收效此策似迂而實爲不可少也 (二)注重調查測量以利民用 查原案溝渠河道宜分爲四種

甲)利商賈興航業之河道 (乙)益農事資灌溉之河道 (丙)引河水以灌田畝之溝渠 (丁)資宣洩以

除積水之溝渠 以上四種或關係於一縣或關係於數縣非有詳細圖說但憑一二處之意見從事則窒碍實

多必至事倍而功未必得半應由勸業公所農務科選派通測繪農學之學生分道測量彙爲底册發交各地方

官及自治會妥籌辦理庶不至冒昧從事其應切實提倡者有三 (一)對於地方官吏當列入考成 各處溝

渠河道既經調查明確則某處應急某處應緩某處應通力合籌某處應各歸各辦即可責成州縣分年籌畫由

勸業道隨時考查明定功過詳請 撫憲辦理 (二)對於出力紳民應明定獎勵其在一縣境內應由州縣督

同自治會勸業員辦理其在數縣內者應會同上下游各州縣或由府直隸州督率辦理其著有成效之紳董當

詳請獎勵其有從中阻撓敗壞成績者亦須明定懲罰 (三)規定水利會計水利公司章程 各處溝渠河道

由官提倡者或就地籌款或息借官款分年歸還由紳民承認者或能集股創設公司先行呈請立案准其專利

一切章程應先由勸業公所規定詳准通行 原案開井一節以濟溝渠河道之窮用意甚善農學家有云不能

開渠當佐之以開井其尙有不能開井者當佐之以種樹應由勸業道派員調查如有地方情形必須開井種樹

者其官紳考成獎勵之法亦應仿照辦理

一議決擴充師範教育案 查師範學校以發展 國家教育爲目的一切教科設置應謀教育之統一若令地方

分擔此款必因款項多寡生教育上之參差窒碍實多該校前此經費本係藩庫指撥則此案所籌之款應仍由

庫款籌給茲謹分別緩急酌擬辦法如左 (甲)原案優級師範之款應自本省留保學生畢業時起將此款撥

歸該校應用其未畢業以前及不敷之處由司庫另籌撥給撙節開支惟此四千金僅敷開辦文科第一類之用

至將來添辦理科時另行籌議 (乙)第二師範爲全省初級師範之模範所需經費應先指撥庫款俟各州縣

完全初級師範盡成立後酌量裁改惟此校不完全處甚多擴充當從教科設置入手如增聘教員附屬小學之

類必不可少至學生伙食費宜暫從緩給 (丙)優級師範與高等校舍雖混合不便第查各處畢業人數甚少

添班爲難該堂校舍明年尙可仍舊俟預算成立後再行籌畫巨款建築合宜校舍

督學局局長片

湘撫岑奏洞庭湘江淤淺等處分別安設浮橋燈塔摺

十二日

法部奏擬補奉天各級審判檢察廳員缺摺

湘撫岑奏擴充農業學堂情形摺

十三日

貴冑法政學堂總理奏酌擬變通課程繕單呈覽摺

十四日

會議政務處奏議覆四川總督電奏成都將軍權限摺

法部奏選員試署各級審判廳檢察員缺摺

農工商部奏日本橫濱設立華商總會請給關防摺

郵傳部奏派遣員充吉長鐵路總會辦片

鄂督陳奏籌辦諮議局成立並議定該局經費數目摺

十五日

直督端奏熱河都統廷奏查明寄居巴林民蒙委無強

偪驅逐等摺

學部奏直隸永平府中學堂甲班學生畢業請獎摺

又奏核議江蘇師範學堂簡易科畢業照章請獎摺

又奏請旨簡員署理右叅議缺摺

十六日

吏部奏酌增考職京員並考班中書改外辦法摺

察哈爾都統誠等奏清理財政查明各款請銷摺

十七日

熱河都統廷奏校閱熱河常備軍第一標情形并懇

恩獎勵摺

江撫周奏禁種鴉片本年業經淨盡摺

又奏籌設各級審判廳情形并薪費數目摺

十八日

憲政編查館奏考核提法使官制摺

憲政編查館會奏考核各省州縣事實摺

江督張奏開辦南洋勸業會詳陳籌議布置情形摺

十九日

軍諮處奏擬陸軍人員補官暫行章程摺

熱河都統廷奏調用暨投効人員擇尤留熟摺

江督張奏佛甯煤礦停辦緣由片

又奏留直州牧陳瀚差遺片

二十日

江督張奏自強軍底餉無力籌解懇飭改撥摺

江撫周奏酌擬民政司分科辦事章程摺

二十一日

度支部奏議覆吉撫奏征收土藥稅錢請照市價折銀

抵餉摺

農工商部奏張家口設立商務總會請給關防摺

又奏南洋蘇門答刺島巨港埠地方設立華商總會請給關防摺

給關防摺

江撫周奏內結外銷未經報部各款請援案變通辦理摺

摺

庫倫辦事大臣延祉等奏哈拉格囊圖地方金沙暢旺擬設廠開辦片

擬設廠開辦片

二十二日

護直督崔奏恭報到任日期並謝恩摺

東督錫等奏道員缺分雖改職掌仍舊請照定例辦理摺

摺

江督張前直督端奏南北洋文報局歸併合辦以節經費摺

費摺

直隸提督姜奏恭備陵差文武員弁懇援案請獎片

二十二日

學部奏派鄒福保充江蘇學務議長摺

又奏派楊兆麟充圖書局局長片

又奏刷光典請假回籍彥憲暫署督學局局長片

法部奏進呈上年統計表冊並請飭催直省司法報告摺

告摺

東督錫等奏揀員請補昌圖府知府等缺摺

二十四日

禮部奏崇上皇太后徽號王公百官服色摺

度支部奏核明金銀庫八月分收支各款摺

東督錫奏派同知金梁充互選管理員片

二十五日

粵督袁奏訂購禮和洋行彈子合同請飭部立案片

又奏上年分購買槍砲軍火等費請敕部立案片

晉撫寶奏晉省陸軍混成協業已成立摺

二十六日

護滇督沈奏酌定司道各官公費摺

又奏暫定總督公費片

晉撫寶奏晉省禁種土藥在事出力人員遵旨擇尤擬保摺

擬保摺

二十七日

熱河都統廷奏歷年積存餘款總數一併和盤托出摺

又奏續撥浮存官銀號各款一併添作成本摺

豫撫吳奏本年春夏各衙門財政表冊依限咨部摺

又奏土藥一律禁種并禁輸入摺

二十八日

郵傳部奏贖陳第二屆籌備成績摺

閩督松奏籌設農務總會摺



圖之池忍不京東本日


轉危為安

廈門學堂教員因患血薄氣衰漸致心力身力俱虧韋廉士大醫生紅色補丸而得病體全愈強健逾恒黃君福山廈門中西書院英文教員也數年前身瘦面白軟弱無力愁苦不堪今則心廣體胖竟成爲一康樂之人矣本局代表嘗至廈門鼓浪嶼島嶼角黃君府第探訪之得聆其自述之言如左云○余現年三十四歲嘗於三年前爲血薄氣衰所困自思如此軟弱明知病入膏肓恐將終焉衰殘中之犧牲矣常覺神思困倦諸事懈息稍用心力身力便覺窘迫異常身居教習不能閱書偶一閱之頭痛難忍常在行路時忽然昏暈嘔吐呼吸艱難屢有傾

治愈黃君之疾者
非紅衣紅血等丸

廈門黃 血薄氣 衰弱爲 虧弱爲 韋廉士 大醫生 紅色補 丸所治 愈

乃真韋廉士大醫
生紅色補丸也



認明丸藥真樣以免魚目混珠
認明丸藥真樣以免魚目混珠
士與服多藥而病體依然如故抱此沉疴愁苦萬分
親友皆爲憂心適有聞知韋廉士大醫生紅色補丸
爲醫治血薄氣衰之良方來相告者余思已身正患
是疾爰立意嘗試之以觀其效僅服一瓶大有轉機
恒心久服身日強健體無倦容唇與牙床皆回康健
之紅色頭暈亦不復發今則氣血充盈全體復
原身力較之未病以前更形強健余若不將韋廉士
大醫生紅色補丸之奇功表揚之則誠爲忘恩負義
之人矣用特作此證書報牘深望世之同病者亦如
余之獲益焉近來天下各處因血乏之故以致身體
衰殘者不知凡幾紛紛明證韋廉士大醫生紅色
補丸有生長鮮紅稠濃之新血以供給枯竭受餓之
衰血管之奇功也醫治無數男女所患胃化不消
衰血管之奇功也醫治無數男女所患胃化不消

肝經失調 山林瘴氣 背骨疼痛 乾溼癬癩 瘡疥疔疹 皮膚諸症 風溼骨痛 臂腕痠痛 筋系刺
痛 跳舞風病 左癱右瘓 醫治婦科各症更爲神速誠爲補劑中有獨無偶之聖藥也天下各處大藥房均有
出售但須認明真正韋廉士大醫生紅色補丸庶不致誤因假冒影戲者甚衆服之非徒無益而反有害倘有疑
可直向上海四川路第八十四號福利公司隔壁韋廉士醫生藥局總發行所或向四川重慶白象街分局函購可
也價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備
諸君贈品以助雅興凡購本館書籍圖畫
滿現洋二元者謹贈月
份牌一張滿四元者二張餘可類推不滿二元者不贈訂定正月初十日贈起
至二月初十日止 如期內業已送完則當改贈他書隨時再行佈告

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書章程 凡值信局郵局不能匯兌款項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

新 啟
告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

瑞林祥元記
綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顧繡粧蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器球藍 奇巧美術玩器 學界文房用品 旋行携帶等件 精工變身物料 定織各色帶氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

北洋股票交通有限公司遷移廣告

逕啟者敝公司於光緒三十四年十一月間詳蒙北洋大臣批准設立其宗旨在於流通股票行用利便期人人勃起股分思想俾實業有逐漸發達之機而免貿易無門入股者因而觀望溯自開辦以來交易甚夥成效頗著誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠意今准於宣統二年正月初一日遷移北馬路北洋天津銀號門內面北樓上房間較前寬大遇有出進股票者接洽頗形方便特此登報聲明即請光顧諸君移玉是幸

北洋股票交通有限公司謹白

天津銀號廣告

本銀號代辦直隸公債所有光緒三十二三三四等年宣統元年第一二三四等年各期應付本利銀兩業經照數分付並廣告白各在案茲值本年宣統二年正月杪為公債第五年第一期滿給還本利之期即係原訂光緒三十六年期限凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各稅捐已詳請督憲照奏准章程通飭各屬不准留難需索務即持票兌取現銀毋得自悞再有本埠上四年到期未經支取本利銀兩各票亦可到本銀號驗票續發特此佈告

北洋師範學堂招考新生廣告

本堂招考初級師範補習科音樂體操講習科學生甲展限至本月二十九日截止初一日考試音樂體操科初三日考試初級師範講習科如有志入學者務即於展限內携帶文憑像片來堂報名填寫履歷其已報名諸生有未呈繳像片及文憑者迅於考試期前補送毋誤此布

北洋灤州官礦公司開收第二期股本廣告

啟者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先聲明此啟